

E prome facilidad Multifuncional a yega su punto maximo

NOORD – E prome edificio for di e proyecto di Facilidatnan Multifuncional a yega su punto maximo diabierna ultimo. Aki ta trata di e prome cu a cuminsa construccion, cu ta esun di Noord.

E proyecto total ta consisti di 5 edificio den diferente districtonan di Aruba, Noord, Paradera, Santa Cruz, Savaneta y San Nicolas. MFA of Facilidatnan Multifuncional ta e siguiente paso den loke avor aki ta conoci como un Hulpbestuurskantoor cu ta ofrece varios servicio di gobierno manera pago di impuesto, awa, coriente y otro utilidatnan y recientemente a cuminsa tambe cu algun servicio di Censo.

E Facilidatnan Multifuncional, banda di ofrece tur e servicionan cu Hulpbestuurskantoor ta conoci pe, tambe ta bay ofrece servicionan di entre otro di AZV, SVb y tambe lo tin lokaalnan pa biblioteca, duna les di musica, baile y tambe luga pa duna shownan cultural entre otro.

Sondeo habitante

E concepto di un Hulpbestu-



urskantoor a cambia pa uno mas moderno pero tambe pa cumpli cu e demanda y necesidad cu tin den cada districto.

E idea di Hulpbestuurskantoor a wordo amplia pa duna e bario un servicio mucho mas na loke e habitantenan mester. P'esey a tuma algun tempo prome cu e proyectonan a cuminsa, pasobra a consulta extensivamente cu habitantenan riba loke nan ta desea cu un MFA den nan districto. A haci un sondeo

bou di e habitantenan di loke ta nan necesidadnan pa un tipo di centro asina, pero tambe nan sugerencia y ideanan. A trece hunto tambe gruponan di hoben pa sa locual nan tambe lo kier wak den un proyecto asina.

E cambio for di Oficina Auxiliar (Hulpbestuurskantoor) pa Edificionan MFA tabata necesario mirando cu miles di persona ta haci uzo di e servicionan cu ta wordo brinda eyden y kier pa esakinnan wordo amplia. Pa crea algo moderno, a scoge arkitectonan hoben y dinamico, kendenan tin cierto lasonan tambe cu e districto.

For di e plannan existente



combina cu e deseo di e habitantenan, a trece un balansa ampliando dos di e edificionan existente di Gobierno y construyendo tres nobo. Tur esaki ta wordo realisa como proyecto di SOGA.

Esaki tambe tabata importante pa logra baha e cantidad di edificionan cu ta huur for di sector priva. E edificionan cu tin entre 800 y 1100 meter cuadra na espacio. E MFAnan ta bay ta edificionan eficiente cu energia y ta bay haci uzo di panelnan solar pa genera un parti importante di e energia necesario pa nan operacion diario.

E arkitecto di e MFA Noord ta un ciudadano di Noord, sr. Orlando Hoevertsz y e contratista general di e proyecto na Noord ta Bohama NV. Ademas di e espacio pa loke awe nos conoce como Hulpbestuurskantoor, tambe lo bay tin un podium masha artistico hinca den otro pa uzo pa eventonan cultural entre otro.

E diseño ta permiti un acceso na e Centro di Bario, cu ta keda na un banda y tin acceso pa un parada di bus cu ta bay wordo construi. □